

Kerajaan perlu kawal internet, media sosial

BH 11/8/14 MSK.



Razali (tiga dari kiri) bersalaman dengan orang ramai yang hadir sempena Majlis Sambutan Aidilfitri, di Laman Zainah, Seri Menanti, semalam.

[FOTO SHAIFFULAZHAR MISRI/BH]

Muar: Kerajaan perlu memperketatkan akses internet, termasuk menggubal undang-undang baharu bagi mengawal penggunaan media sosial yang kini dilihat sebagai antara ancaman utama terhadap

keutuhan perpaduan rakyat di negara ini.

Timbalan Menteri di Jabatan Perdana Menteri, Datuk Razali Ibrahim, berkata perpaduan akan sukar dicapai sekiranya media sosial seperti

Facebook dan Twitter terus diberikan kebebasan secara mutlak tanpa sebarang kawalan terhadapnya.

Katanya, sebarang akses internet yang tidak terkawal dan terlalu bebas menyebabkan

nya sering disalah guna oleh pihak tidak bertanggungjawab untuk mengeluarkan kenyataan dan amat berbahaya kepada perpaduan negara.

"Keadaan ini tidak bagus dan boleh merencatkan proses perpaduan dan pembinaan negara bangsa pada masa depan. Kira perlu ada peraturan atau garis panduan untuk perkara ini supaya pengguna tidak boleh melakukan sesuatu dengan sewenangnyanya.

"Kebebasan di internet yang kita beri pada hari ini jelas tidak menguntungkan negara, malah, ia (internet dan media sosial) menjadi antara punca keretakan hubungan kaum di negara ini berikutan kandungannya yang bebas tanpa sekatan," katanya kepada pemberita pada Majlis Rumah Terbuka Ahli Parlimen Muar di Kampung Seri Menanti di sini, semalam.

Sebelum ini, beberapa ahli akademik, pertubuhan bukan kerajaan (NGO) dan bekas Perdana Menteri, Tun Dr Mahathir Mohamad sendiri mengesakan supaya akses kepada capabilities internet di negara ini ditapis demi menjamin perpaduan dan kemakmuran rakyat.